



Kajitōk ko Ekut Kajitōki ilo Melele in Kajinet ñan Bar Bellok ilo Alen Juon im Alen Ruo Swimming Pool ko ewōr aer Laijen, Spa Pool ko ewōr aer Laijen im Koot in Ikkure ko (Kar kōkkāāl 9-14-2020)

Ijin lal ej uwaak ko ñan kajitōk ko rekut (FAQ) kin [Melele in Kajinet ñan Bar Bellok ilo Alen Juon im Alen Ruo – Swimming Pool ko ewōr aer Laijen, Spa Pool ko ewōr aer laijen im Koot in Ikkure ko](#) (**Melele in Kajinet an OHA ñan Pool ko im Koot in Ikkure ko**). OHA ej lelok kajitōk ko rekut im enaj bōlen kōkkāāl jen ien-ñan-ien ñan jipañ an lobelej melele melele in kajinet ko, uaake kajitōk ko an ro im ej itok-limoir, im kalikar wewein an kajinet in ekkar ilo jejjetin melan ko. Kajitōk ko Rekut raar jab kōmman ñan bōk jikin melele in kajinet eo, ak ñan jibañ ukok, kakoba melele, im kanne tipdik in melele ko an kein kajinet eo.

Swimming Pool ko ewōr aer Laijen

K1: Pool eo amim edik wōt, eittino, ñan ro uwaan wōt im kimij kadiklok wōran ro uwaan ñan 35 baamle ko. Ejjelok juon lifeguard me ej bōk eddo im rijerbal ro amim ikijen kōkkāāl rej mānija im kumi eo wōt, im rej aolep uwaan pool eo. Ilo melan eo amim, kim naj ke maroñ wōnmaanlok ñe ro uwaan rej kautiej kajinet ko ikijen kōttolok-enbwin im jitōñ-er-make ñan lale kajinet kein ñe rej bed ilo jikin pool eo?

U1: Jab. Melele in kajinet ko rej kakien aṃi naj jitōñe juon ri-lale kōttolok-enbwin elaññe pool eo enaj bar bellok ilo Alen 2. Melelein men in ej ke ej aikuj in wōr juon armij ej bōk eddoin lolorjake aer loore kakien ko ikijen kōttolok-enbwin. Kwō maroñ jitōñe juon rijerbal ak volunteer einwōt juon ri-lale aer kōttolok-enbwin im kwōj aikuj jitōñe ilo ien im rej kōjerbale pool eo. Ri-madmōd pool ro remaroñ kōmmane wewein aer jitōñ ri-lale ro.

K2: Pool eo ediklok-kōjerbale ilo doulul in ri-owner an mōko emaroñ ke bellok?

U2: Aet, emelim an pool eo bellok ilo aer loor [Melele in Kajinet an OHA ñan Pool ko im Koot in Ikkure ko](#).

K3: Emelim ke kōmmālmel in aō ilo jikin pool ko?

U3: Aet, emelim kilaaj in katak aō im reaikuj loor Melele in Kajinet eo an [OHA ikijen Pool im Koot in Ikkure ko](#).

K4: Ak elaññe juon lifeguard ej makokoun kōmadmōde CPR (emenono) kinke emijak nañinmij in COVID-19?

U4: Ri-kōmadmōd swimming pool ko renaj lolorjake ke ej kwalok uwōtain kōmadmōde juon pool ñan aolep rijerbal ro mokta jen aer bar bellok. Innem, juon pool en jab bar bellok ijellokun rejelā elaññe lifeguard ro aer remōnōnō in madmōde aoleben men ko eddoeir. [Melele in Kajinet ko an Red Cross](#) rej bed wōt im rej kōlaajrak aikuj ko ñan PPE ilo ien kōmadmōd CPR. Jikin ko rej aikuj lelok PPE ko rekkar ñan lifeguard ro.

K5: Ña ij uwaan ritel an juon kumi in ri-owner an mōko. Ejelok rijerbal ro rekkā ilo kumi eo amim. Ej aikuj in wōr ke juon Ri-Lale Kōttolok-Enbwin me ej bed wōt ilo jikin pool eo ak kim emaroñ ke kajutak kōjjetelā ko ñe ejelok juon ri-lale?

U5: Jabdewōt pool ewōr an laijen im enaj kelet in bellok ej aikuj in wōr juon an Armij ej Lale an Armij Kōttolok Doon im reban binej jenkwān rijerbal in ilo aer kajutak kōjjetelā ak bija. Juon volunteer emaroñ madmōde eddo kein im kimij rōjañe aṃi kajutak kōjjetelā ko ilo jikin pool eo ñan kōjjetelāik volunteer ro kin kakien ko ikijen kōttolok-enbwin. Ilo jemlokin ijo me emōj laijen ej bōk eddoin ñe koṃij aikuj in kabin aṃi kōjejet kūtien.

K6: Rilale Kōttolok-Enbwin eo Emaroñ ke Juon Rijibañ?

U6: Aet. [Melele in kajinet eo ñan Pool im Koot in Ikkure ko](#) ejab kalikar wōn eo emaroñ kōmmāne jerbāl eo in Lale an Armij Kōttolok Doon. Bōtab, volunteer eo ej aikuj in maroñ madmōde eddoin me emōj kōllaajrak ilo melele in kajinet eo ñan lolorjake ke rilolok ro ilo pool eo ren kejbarok jiljino (6) ne ettolok, koba ilo jikin deloñ, jikin diwōj, imōn kōbojak, jikin pool eo, im jabdewōt bar jikin me armij renaj bōlen kakobaba ie. Juon volunteer emaroñ madmōde eddo kein, ak ilo jemlokin ijo me emōj laijen ej bōk eddoin ñe koṃij aikuj in kabin aṃi jejjēt kūtien.

K7: Ñe Ri-Lale Kōttolok-Enbwin ej bed wōt “iomwin eddo” ej ke an make wōt eddoin lale im lolorjake kōttolok-enbwin ikōtaan rilolok ro ñan pool eo ilōan im ibelakin pool eo?

U7: Ri-Lale Kōttolok-Enbwin e wōt ej bōk eddoin lolorjake aer kōttolok-enbwin jiljino (6) ne ikōtaan rilolok ro, ilo jikin deloñ, jikin diwōj, imōn kōbojak ko, iturin pool eo, im bar jabdewōt jikin im armij renaj bōlen kakobaba ie. Armij in emaroñ juon rijerbal ak volunteer rimadmōde pool eo ej jītōñe.

K8: Emaroñ ke lōñlok Rilale Kōttolok-Enbwin ilo juon jikin?

U8: Aet, juon jikin emaroñ kelet bwe en lōñlok wōran ri-lale an armij kōttolok doon einwōt rej lōmnak reaikuj ñan kōmmāne juon mejatoto in kejbarok im lolorjak aer loore [Melele in Kajinet eo an OHA ikijen Pool im Koot in Ikkure ko](#).

K9: Armij eo ej lale an armij Kōttolok Doon enaj ke aikuj in kōnake juon kein kalbubu iturin māj?

U9: Aet, rijerbal eo ej lale an armij kōttolok doon aikuj ekōnak kein kalbubu iturin māj ak kein bōbrae iturin māj. Kein kalbubu ak bōbrae iturin māj eo aikuj utūki wōt ilo ien rej aikuj uuki wejel ak ilo ien aer bed ilo dren.

K10: Ñe elōñ juon peba in jain ñan kadeloñ ñan ien ko laajrak, im emelim an juon wōt doulul kōjerbale pool eo ilo ejja ien eo, pool eo enaj ke aikuj wōt juon Armij eo Ej Lale an Armij Kōttolok Doon?

U10: Jab. Jabdewōt pool ewōr an laiijen im enaj kelet in bellok ej aikuj wōr juon an armij ej lale an armij kōttolok doon ñe elōñlok jen juon baamle/doulul ej kōjerbale jikin eo ilo juon wōt ien.

K11: Emman ke ñe kimij kajjitūkin kajojo kapijukunen ilo mōkein bwe ren jitōñe juon rūtto ilo kajojo doulul me enaj madmōd einwōt armij eo ej lale an armij kōttolok doon ñe baamle eo aer ej bed ilo jikin pool eo?

U11: Aet. Kajojo pool ak spa me emōj laiijen ej aikuj in jitōñe juon Armij ej Lale an Armij Kōttolok, im emaroñ juon volunteer ak rijerbal, ñan lolorjake aer depiji kakien ko kin kōttolok-enbwin ilo aoleben ijoko im armij remaroñ kakobaba ie. Baamle/kapijukunen eo emaroñ jitōñe ri-lale in ñe rej kōjerbale pool eo im ren kōjjelāik men in ñan rimadmōd pool eo ilo jikin eo. Kimij rōjañe aṃi kajutak kōjjelā ko ikijen kōttolok ilo jikin pool eo ñan kōjjelāik rijerbal, volunteer, im rilolok ro kin kakien ko ikijen kōttolok.

K12: Kinke emelim an ajiri ro 14 iiō joñaer aō ibbeir make wōt, remaroñ ke “lale” er make?

U12: Jab. Kajojo pool ak spa me emōj laiijen ej aikuj in jitōñe juon Armij Ej Lale an Armij Kōttolok im ejab diklok jen 18 iiō joñan ñan lolorjake aer jibadek kakien ko ikijen kōttolok.

K13: Rej kenono kin joñan wōran armij ilo juon jikin jukweea ne. Ekijkan aer kōmmene men in elaññe juon baamle emaroñ kakobaba ediklok jen jiljino (6) ne ikōtaan kajojo armij?

U13: Rej lelok aer naan kin 35 jukweea ne ñan kajojo armij ilo melele in kajinet eo einwōt juon mennin jipañ bwe ijoko ren lale jete armij remaroñ kejbaroke wōt im bed ilo juon ruum in lakkar im depiji jiljino (6) ne kōttolok doon. Emelim an ro uwaan ejja doulul eo bed ediklok jen jiljino (6) ne jen doon, innem jukweea ne ejab mennin inebata kin juon baamle ej bed ilo ruum in lakkar ilo juon wōt ien. Enaj mennin inebata wōt elaññe armij ro jen inabōjin baamle eo rej bar kadeloñ ruum in lakkar eo ilo ejja ien eo.

K14: Elōñ ke jejjetin kajinet ko kin ikkutkutin ad karreo?

U14: Jab. Ikkutkutin karreo ej atare elōñ men ko reoktak, koba ikkutkutin aṃ kōjerbale juon jikin, wōran armij me rej jibwe ionon ejja juon men eo, ionon rot men eo, im men ko jet. Ijoko renaj aikuj in lōmnaki ikkutkutin aer karreo ionon men ko ñan lolorjake ke rilotok ro aer rej bed ionwin kejbarok wōt. Kin kakien ko ikijen aer karreo im manman kij, pool ko rej aikuj loor [Melele in Kajinet eo an OHA ñan Pool im Koot in Ikkure ko](#).

K16: Lifeguard eo ej ke aikuj in ekōnak juon kein kalbubu iturin māj?

U16: Aet. Bōtab, lifeguard eo enaj aikuj in utūki kein kalbubu iturin mejen bwe en uuki juon wejel, kenono ibben ri-aō ro im mokta jen ad deloñe pool eo.

K17: Ekijkan an ri-kake in aō ro loloorjake bwe ren kōttolok ñe rej katakin juon ajiri kin aō?

U17: Ejjelok wewein depiji kajinet ko kin kōttolok ñe rej katakin ajiri ro reddik. Kin men in, elab an aurōk kōmman etale/kakōlkōl ñan aoleb rikaki ro im kakien bwe rikaki ro ren kōmadmōd wewein aer karreo ñan ejmour kajojo raan ilo aer loor [Melele in Kajinet eo an OHA ñan Pool im Koot in Ikkure ko](#).

K18: Elaññe rej kejbarok aer bed jiljino (6) ne ettolok jen doon, kumi in aō ko remaroñ ke lokjak ilo emakūtkūt ko ilo ejja ien eo im rej tutu lap ko?

U18: Aet, ñe rej loloorjake kakien ko ikijen kōttolok aolep ien jekdron rej bed iloan pool eo ak kōttar wōt ioon ene. OHA ej rōjañ ke makūtkūt ko reoktak ren kōmman ilo ien ko reoktak ñan an jab lōñ armij ro rej kōjeral pool ilo juon wōt ien im en jab obrak, bōtab ejab mennin aikuj.

K19: Elaññe kim emaroñ kejbaroke jiljino (6) neen ettolok jen doon, emman ke ñe elōñlok riaō ro rej bōk kwōnaer ilo pool eo ilo juon wōt ien?

U19: Aet. Coach ro rej aikuj kōmman wewein an riaō ro ilo jikin lane ko jebel kin ejab diklok jen jiljino (6) ne, ijellokun ñe riaō ro mōttan doon ilo lane ko rej aō iturin doon bōtab oktak ial in lane ko aer. Coach ro rej aikuj kamo an riaō ro leto letak ibben doon ilo lane ko rebaake doon im kamo an riaō ro aen doon ilo jemlokin lane ko. Riaō ro rej aikuj deloñ im diwōje pool eo ilo jikin ko jeban reoktak im kejbarok aer bed jiljino (6) ne ettolok jen doon. Elukkun mo an riaō ro kakobaba ibben doon; aikuj an wōr juon jikin kōttar emōj kalikar im ej kōtlak an riaō ro kōttolok jiljino (6) ne jen doon. Rikōmadmōd ro rej aikuj kalikar juon rijeral ej lale an armij kōttolok doon ilo aoleben awa in kōmadmōd ko ilo jikin eo.

K20: Armij ro uwaan juon wōt kumi in aō rej ke einwōt ro uwaan juon kapijukunen im remaroñ kebaak doon ediklok jen jiljino (6) ne jen doon?

U20: Jab. Ro uwaan kumi eo wōt im rej itok juon wōt kapijukunen remaroñ kebaak doon ediklok jen jiljino (6) ne jen doon.

K21: Pool ko im emōj kadiklok ien kōjeral renaj aikuj in wōr juon aer Rilale Kōttolok Doon ilo ene aolep ien im pool eo ebellok? Remaroñ ke lale ilo juon camera im jab bed ioon ene iturin?

U21: Emōj kakien ke ej aikuj in wōr juon Rilale Kōttolok Doon ñan kajojo jikin, ak rilale eo ejab aikuj in bed wōt ioon ene eo iturin pool eo ilo aoleb ien. Lale [Melele in Kajinet eo an OHA ñan Pool im Koot in Ikkure ko](#).

K23: Rikōmadmōd ro an pool rej ke aikuj in wōr jikin ilo ene eo iturin pool eo ñan an bwe an riaō ro ilo lane ko maroñ kejbarok aer ettolok jen doon ñe rej bed ioon ene?

U23: Aet. Rikōmadmōd ro an pool rej aikuj kalikar juon jikin an riaō kōttar ej kōmelim aer ettolok jen doon kin jiljino (6) ne.

K24: Ruum in jenij ko kin juon wōt armij rej ke bed ilo kilaj in ruum in lakkar?

U24: Jab. Elaññe rej karōke juon ruum in jenij ñan juon wōt armij, en jab lōñlok jen juon wōt armij me ej kōjerbale ruum eo ilo juon wōt ien, ijellokun rej juon wōt doulul.

K25: Emelim ke an ri-kōmadmōde pool ko kōmmane ien kakobaba ko reddik (waan joñak keemem ko) ilo jikin pool eo aer? Elaññe eindein, ewi melele in kajinet eo kin joñan doulul eo?

U25: Aet. Rikōmadmōd ro an Pool ilo county ko rebed ilo Alen Juon rej aikuj loor [Melele in Kajinet eo an OHA kin an Armij Kakobaba, An Armij Bed Ibben Doon iloan Em](#) ñan lale joñan wōran armij ilo pade eo. Rikōmadmōd ro an pool ilo county ko rebed ilo Alen Ruo remaroñ loor Melele in Kajinet eo an Jikin im Makūtkūt ilo Alen Ruo.

K27: Emelim ke an water slide ko ilo pool ko bellok?

U27: Aet, bōtab, ri-kōmadmōde pool ko reban kōmelim aer kakobaba iturin ak ebaak water slide eo im reaikuj loloorjake aer naj jibadek kakien ko kin kōttolok doon.

K28: Katak aō ñan jab maloñ ñan ajiri emelim ke?

U28: Aet. Ejab maroñ loor melele in kajinet ko kin an armij kōttolok doon ñe rej katakin ajiri ro reddik aō ñan kejbarok aer jab maloñ. Kin men in, elab an aurōk kōmman etale/kakōlkōl ñan aoleb rikaki ro im kakien bwe rikaki ro ren kōmadmōd wewein aer karreo ñan ejmour kajojo raan ilo aer loor [Melele in Kajinet eo an OHA ñan Pool im Koot in Ikkure ko](#).

K29: Rikaki in aō renaj bōlen kebaak im ekkeitaak ri-ekkatak ro. Juon rikaki in aō emaroñ ke jermal ibben elōñ kapijukunen ak kilaj in aō ilo aoleben raan eo?

U29: Aet. Rikaki in aō im rej emakūtkūt ibben elōñ kilaj in aō ren kōnake juon mask in iturin māj, kein kalbubu iturin māj ak kein bōbrae iturin māj ñe rejab bed ilo pool eo im kwal/manman kij jen beir ikōtaan aer emakūtkūt ibben doulul ko reoktak.

K30: Elaññe jenaj kelet in bellok ruum in lakkar ko amim, riaō ro remaroñ ke kōjermal jikin tutu ko an kajojo armij ilo ruum in lakkar eo?

U30: Aet. Rikōmadmōd pool ko remaroñ kōmelim an armij kōjermal jikin tutu ko an kajojo armij ilo ruum in lakkar eo. Jikin tutu ko rej aikuj ikut aer karreo ilo aer loor [Melele in Kajinet eo an OHA ñan Pool ko im Koot in Ikkure](#).

Spa Pool ko Emōj Laijen

K1: Elōñ juon amim pool in jibañ kōkōmanman mour iloan gym eo amim. Kim emaroñ ke bellok pool in kōkōmanman mour eo?

U1: Aet. Elaññe gym eo ej bed ilo juon county emōj kōwebben ñan Alen Juon ak Alen Ruo, emelim an pool ej jibañ kōkōmanman mour belloko ilo an loor [Melele in Kajinet eo an OHA ñan Pool im Koot in Ikkure ko](#).

K2: Ñe elōñ juon spa kilep (einwōt 12' x 12') mweijen juon gym ak jikin kaboñboñ me ebwe ñan kōttolok-doon ikōtaan elōñ doulul ko, reaikuj ke bed wōt im loore kakien eo 1 armij/kapjukunen ilo juon ien?

U2: Aolep spa pool ko renaj aikuj in kadiklok ñan an juon wōt kapjukunen kōjerbale pool eo ilo juon kōtaan jekdron joñan pool eo. Ri-kōmadmōd ro renaj bōlen lōmnaki aer kōlaajrak reservation ko ilo mōttan 15 minit wōt.

K3: Juon kapjukunen wōt ilo juon ien ilo spa eo – melelein ej ke elaññe rejab bed ilo juon wōt kapjukunen, juon (1) wōt armij ilo pool eo ilo juon ien?

U3: Aet.

K4: Sauna ko remaroñ ke madmōd ñe ri-kōmadmōd ro rej loor kakien ko kin kōttolok im karreo ilo melele in kajinet eo ñan pool ko?

U4: Jab. Sauna im Ruum in Jiteem ko rejab belloko ilo tōre in im reban kōmadmōd.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Mavel Morales ilo 1-844-882-7889, 711 TTY ak OHA.ADAModifications@dhsosha.state.or.us.